

Naballigi ti Panangitandudo Dagiti Babbai iti LST ti Nateng

Naiyallatiw ti teknolohya iti 9 a barangay, 10 nga eskwela iti elementarya, kadagiti 4Ps ken nanang dagiti ubbing nga agkurang ti dagsenna.

Immadu dagiti pamilya nga agmulmula ti nateng manipud 29% sakbay ti 2010 agingga't 45% kalpasan ti dua a tawen.

Limmawa ti namulaan iti nateng manipud 415m² sakbay ti panangrugi ti proyekto ket nagbalin a nasursurok ngem 15,000m² kalpasan ti dua a tawen.

Ngimmato ti nasapulan dagiti sumagmamano a babbai manipud kurang a PhP4,000 sakbay a nagmulmula da iti nateng ket ngimmato iti PhP26,000 kada tawen.

Ti LST ti nateng ket inaramid ti LGU a priority project ti munisipyo. Naadaptar ti LST ti nateng kadagiti proyekto ti munisipyo a kas iti *Pantawid Pamilyang Pilipino Program, Gulayan sa Paaralan* ken *Gulayan sa Bakuran* tapno magun-od ti seguridad ti makan ken nasayaat a pannakataron.

No agtultuloy ti iyaadu ti agadaptar iti LST, mabalin a ti munisipyo ket saan ton nga agangkat iti nateng, ken ngumato ti mapastrek ken panagtalek dagiti babbai iti kabaelanda.


Para iti ad-adu pay nga impormasyon, sumarungkar, agsurat wenna tumawag:

Evangeline P. Agres
Leo G. Inocencio
Alma C. Aguinaldo
Ronilo A. Beronio

Philippine Rice Research Institute
MMSU Campus, Batac City,
Ilocos Norte
Tel/Fax: (077) 792-47-02

LST ti Nateng

Naballigi a Panangitandudo Dagiti Babbai



Pakauna

Kadawyan a problema dagiti mannalon ket ti nababa a kalidad ti daga a gubbuayen ti panagaramat iti adu unay a kemikal nga abuno ken pestisidyo. Mairaman pay ti saan a pannakaiyannatup dagiti teknolohya iti lokalidad ken narigat a masurutan dagiti mannalon.

Daytoy ti rason a nabukel ti **Location Specific Technology (LST)** ti natnateng ditoy Ilocos, ti teknolohya a mangpangato ti apit ken mangpaadu ti mapastrek manipud sangkabassit laeng a puunan.

Kaaduan kadagiti mannalon iti Ilocos a nagballigi ken nangitultuloy iti panangipatungpal ti LST iti nateng ket babbai.

Naiyallatiw ken naisuro met daytoy a teknolohya iti Lagangilang, Abra. Napaneknekan a daytoy a teknolohya ket inadaptar ken sinustener dagiti babbai a mannalon.

Panagpataud Dagiti Babbai a Mannalon iti Nasalun-at a Natnateng Babaen iti LST



Ad-adda nga inadaptar dagiti babbai a mannalon dagiti teknolohya a makasapul iti trabaho ken basbassit a puunan.

Narecycle dagiti plastic, sako, sabot ti nyog, kawayan ken lata a nagbunubunan ken nagmulaan iti natnateng.

Namulaan iti nateng uray pay dagiti nadarat ken napila a daga babaen iti panagaplikar iti adu a kompos ken napauging a taep.

Dagiti awanan ti pagmulaan ket nagestabilisar iti vegetable garden iti rooftop ken communal garden.

Awan uray sangkatedted a kemikal a pestisidyo ti naiyaplikar kadagiti nateng.